

Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Tertia, Qva Continentvr Hermiae Sozomeni
Salaminij lib. 9. Euagrij Scholastici Epiphanensis lib. 6

Christopherson, John

[Köln], 1569

De sancto Epiphonio Episcopo Cypri, & particularis quædam rerum eius
expositio. Capvt XXVI.

urn:nbn:de:hbz:466:1-12718

SOZOMENI HISTOR.

sent perituri, ille descendens ab equo orabat, quo facto
Barbari, neque ipso neque comitibus eius, neque equis
quibus insidebant conspectis, præterierunt: cum autem cre-
bris incursionibus Schythas infestarent Hunni, quamvis
natura essent feri, tamen ad mansuetudinem cōuerit, tum
conuiciis, tum muneribus eos liberaliter excipiens: Quia
quidem ex re vir quidam Barbarus eum suspicatus esse opu-
lentum, dolo capere statuerat, parato igitur in hoc laquo
ad scutum alligato, sicut in hostes consueuerat, illi dum
colloquitur, sublata dextra funem immisurus erat, tanquam
eum ad se & ad contribules attracturus. At vero manus
in ipso conatu eleuata in aere remansit, nec antea Barba-
rus ex inuisibilibus istis vinculis liberatus est, quam alii
pro ipso intercedentibus Theotinus Deum exorasset.
Aiunt porro quod hic in coma nutrienda perseueravit, &
Philosophiae studium, uti cœperat, prosecutus, ac tenui
victu vsus sit, sumendique nutrimenti non semper idem,
sed in fame atque siti tempus determinauerit. Philosophi
enim erat opinor, his quoque pro necessitate, & non pro
otio locum dare.

*De sancto Epiphano Episcopo Cyprī, & par-
ticularis quedam rerum eius expositio.*

CAPVT XXVI.

Eadem tempestate Metropolitanæ Cypriorum ec-
clesiæ præerat Epiphanius, quem non solum in re-
bus politicis ob virtutes, sed & ob miracula illu-
strem Deus effecit, quæ in honorem eius tum viuentis
tum defuncti peragere dignatus est: defuncto enim, quod
viuenti non contigerat, ad sepulchrum eius etiam ad-
huc dæmones expelli & sanationes fieri fama est. Sed
& eo tempore quo viueret multa illi admirabilia tribuun-
tur. Quorum vnum, quod quidem nobis innotuit, illud
est. Nam cum largus esset in pauperes & eos, qui vel nau-
fragiis vel aliis infortuniis afflicti erāt, postq; iā alim suas
ipsius facultates insumpserat, exigēte necessitate, etiā pe-
cunias ecclesiæ erogabat: fuerant hæ sanè multæ, vndique
enim

enim multi quibus opes suas in pios usus conuertere decreta fuerat, & viuetes illius Ecclesiæ tradiderunt & morientes reliquerunt: considerabant enim, quod ille qui & rerum dispensator, & numinis diuini cultor bonus erat, munera quæ contulerant ex ipsorum sententia distributurus esset: Atiunt igitur quodam tempore paucis admodum reliquis pecunijs, ecclesiæ dispensatorem indignatum fuisse & quasi nimis profusum reprehendisse, sed illum ne sic quidem abstinuisse à munificencia sua erga egenos declaranda. Erogatis igitur cunctis, accessit quidam ad domunculam in qua dispensator habitabat, & crumenam multis nummis aureis referat dedit. Sed cum neque qui dederat, neque qui misserat, manifestus esset, videreturque merito insolens, hominem quenquam in tantarum pecuniarum latitidine se ipsum præbere ignotum, tum verò omnes rem diuinitus esse gestam agnoverunt: Quin & quale etiam aliud de ipso referatur, commemorate volo: Quanquam & hoc ab eximio isto Gregorio qui Neocæsariensem gubernauit Ecclesiam itidem gestum esse accipio, quod libenter credo, nam proppterea dissidendum non est, id consimiliter & ab Epiphanio esse actum: Siquidem nec solus Petrus Apostolus mortuum suscitauit, sed & Iohannes euangelista Ephesi & Philippi filiæ Hierapoli, & eadem à multis tum veteribus tum nostri temporis pijs viris esse gesta, reperias: est autem huiusmodi, quod dicere volo: Duo quidam mendici Epiphanium aliquo abeuntem aucupati hoc agebant, ut ad eos plusculum aliquid auferrent. itaque eorum alter, cum se humi extendisset iacebat scilicet mortuus, alter assistens plorabat, qui videlicet & socij lugeret mortem, & simul paupertatem accusaret, ob quam ne sepelire quidem illum posset: Epiphanius iacenti requiem imprecatus est, & quæ ad funus necessaria forent largitus, lachrymanti, sepulturam inquit procura mihi & plorare desine, neque enim resurget nunc. In hoc enim casu, id quod est inevitabile & prorsus fatale, generoso animo perseverare oportet. Atque hic quidem his diebus transiit: Cum autem nemo iam in conspectu esset,

SOZOMENI HISTOR.

esset tum pede iacentem mouens ille qui astabat, ac simul collaudans quod perquam euidenter mortuum expressisset, erige te ipsum, inquit, vt ex laboribus tuis hunc latum consumamus diem. Cæterum cum ille consimiliter iaceret, & nihilo magis vel clamantem audiret, vel cunctis viribus oboluente in sentiret, effuso cursu sacerdotem assecutus imposturæ suæ certionem facit, ac plorans & capillos vellicans obsecrat, vt socium resuscitet: Atqui Epiphanius hominem hortatus, ne id, quod auctum erat, moleste ferret, ab se dimisit: Neque enim quodus factum Deus simpliciter resoluit, ob id opinor, vt hominibus fidem faciat, quod ipsum cuncta videntem & cuncta audiентem decipient ij, quicunque erga ministros eius secessentes præbent.

*De Acacio Berœæ episcopo. & de Zenone & Ajax
viris illustribus, & ob virtutem claris.*

CAP VT XXVII.

HAEC ita gesta esse accepi: ex eo autem tempore & Aecius inter episcopos clarus extitit, qui iam antea Berœæ in Syria episcopus fuerat: Huius & alia facta scripto digna ferri consentaneum est. propterea quod ad solitarii vitam à puerò exercitatus officio suo praerè functus sit, sed tamen illud maximum virtutis argumentum dedit, quod omni tempore apertum habuerit episcopale habitaculum, vt & cibi & somni capiendo tempore, tum à peregrinis, tum à ciuibus suis, quibuscumque placet libere conspiceretur. id quod maxime laudo: Nà aut propterea sic vixit, quòd sui fiduciā semper habuerit, aut quod hoc exercitiū genere naturæ proclivitatem ad vitia propensam refrenare cogitarit, vt dum perpetuo se deprehensem iri suspicatur, ab ijs qui ex improviso superuenient, in continuis excubijs, neque ab ijs deuiaret quæ ipsum decebant, & honestis negotijs continuò occuparetur: Eodem tempore etiam clari erant Zenon & Ajax fratres, qui Philosophati quondam erant non in solitudinibus sed in Gaza maritima, quam etiam Maiumam vocant. Ambo autem